




# Háteigur



15. árgangur 6. tbl.

30. maí 2011

**Takk fyrir veturinn!**

<http://www.hateigsskoli.is>

## Frá skólastjóra

Ágætu lesendur

Nú er skólaárið senn á enda og sumarið sem hefur verið lengi að koma er að festa sig í sessi. Veturinn hefur verið viðburðaríkur eins og venja er. Allir hafa þokast eitthvað í þroska og víska aukist hjá flestum og sjálfsagt ekki bara nemendum. Margir hafa haft á orði að þemadagarnir hafi verið sérlega vel heppnaðir þetta árið vegna þess að markmiði þeirra var náð sem var að breyta hugsunarhætti. Hvort að foreldrar hafi orðið varir við þetta heima hjá veit ég ekki en starfsmenn hafa það á orði að svo sé. Það er öruggt mál að skólinn er að læra sem stofnun. Nú eru allir starfsmenn orðnir einhuga um hvers konar endurvinnslu og flokkun á sorpi, en frá þessu greindi ég í síðasta bréfi. Ég óska svo verðlaunahöfunum sem gerðu stuttmyndir um þemadagana til hamingju þar sem þeir náðu öðru og þriðja sæti. Þetta var á stuttmyndahátíðinni Töku 2011 en þar fengu nemendur á unglingastigi einnig verðlaun fyrir fræðslumynd um framhaldsskóla og Rannveig Þorkelsdóttir fékk viðurkenningu fyrir framlag sitt til stuttmyndagerðar í grunnskólum.

Rekstrarstaða skólans er góð þrátt fyrir þrengri ramma og mun það auðvelda okkur starfið þegar hagur fer að vænkast því að aldrei er gott að þurfa að vinna upp skuldahala. Þessi staða er að þakka góðri samstöðu starfsfólks í því að fara betur með og huga ætíð að hag skólans í ákvörðunum sínum. Hún er einnig að þakka foreldrum sem hafa tekið höndum saman með skólanum að tryggja áframhald á mikilvægum verkefnum svo sem ferðalögum með nemendum þar sem kosta þarf til sem og með stuðningi við verkefni eins og hangikjötsveisluna og styrki til að umbuna nemendum sem stunda skólann vel.

Nú eftir páska var það staðfest að nokkrir nemendur á unglingastigi fíktuðu við svokallaðar grasreykingar. Foreldrar umræddra nemenda tóku höndum saman með skólanum til að bægja þessum vágesti frá. Foreldrum á unglingastigi var gert viðvart og hvatt var til þátttöku á fundi fimmtudaginn var sem kallaður var „Bara gras“. Fundurinn var ætlaður þremur grunnskólum á svæðinu og foreldrar í Háteigsskóla fjölmenntu á fundinn. Ég er afar þakklátur fyrir góðar undirtektir foreldra við þessu kynningarátaki og einnig hve foreldrar á unglingastigi hafa tekið tíðindum af þessu vandamáli af stillingu og ábyrgð. Það er ljóst að grundvöllur er til að efla mjög

forvarnarvinnu í tengslum við foreldra næsta vetur. Fyrir þá sem ekki þekkja þá eru unglingar í auknum mæli að fíkta við að reykja kannabis vegna framboðsaukningar sem stafar af mikilli framleiðslu innanlands. Á sama tíma er rekinn gengdarlaus áróður fyrir því í jafningjahópnum, á netinu og í vinsælum kvikmyndum að efnið sé allt að því skaðlaust og jafnvel hollt. Þess vegna svara ungmennin því að þau séu bara að reykja gras. Staðreyndin er hins vegar sú að efnið sem er erfðabreytt og framleitt við kjör-aðstæður með sjálfvirkum búnaði, er tífalt sterkara en venja er. Í þessu máli finn ég einingu og samstöðu með foreldrum og skóla.

Íslenska sumarið er framundan með ævintýrum sínum og hvíld. Það verður þó engin hvíld hér því að margvísleg starfsemi verður áfram í sumar, unglingastarf, starf fyrir börnin hjá Frístund Háteigsskóla og nú í sumar verður einnig rekinn smíðavöllur. Fyrir skólabyrjun í haust eigum við von á að girðingar í kringum malbikaða fótbolta-völlinn verði endurnýjaðar og einnig gerum við ráð fyrir bættum aðstæðum til flokkunar á sorpi.

Það er von mín að allir njóti sumarsins og hlaði rafhlöður lífsins fyrir haustið. Það er einnig von mín og væntanlega allra að heldur fari nú að rofa til í lífi þjóðarinnar eftir langvinnt og erfitt þrengingatímabil. Sjálfsagt er að hugleiða frumkvæði þjóðhetjunnar Jóns Sigurðssonar sem nú verður minnst í júní og taka hann sér til fyrirmyndar um bjartsýni og framfarahugsun.

Með ósk um gleðilegt og endurnærandi sumar.

Ásgeir Beinteinsson  
skólastjóri.

## Skipulag síðustu daga

Á blaðsíðu 3 í Háteigi er skipulag síðustu daga ásamt skólaslitum sett upp í töflu. Mikilvægt er að nemendur mæti tímanlega þessa daga eins og aðra og séu klæddir til útiveru.

## Minnisatriði við lok skóla.

- ✓ Í óskilum er hjá okkur ýmis fatnaður, lyklar, skór, íþróttadót og fleira. Það sem verður ekki sótt fyrir 12. júní verður gefið Rauða krossinum.
- ✓ Skila þarf öllum bókasafnsbókum strax.
- ✓ Nemendur eiga að skila öllum endurnýtanlegum námsbókum. Foreldrar eru beðnir um að leita sérstaklega vel að bókum, bæði gömlum og nýjum.
- ✓ Skila þarf skápalyklum í síðasta lagi 10. júní.

## „Andskoti var þetta vont“

Einu sinni var ung stúlka sem elskaði hesta. Hún sat við fallegt vatn og horfið á sólin setjast bak við fjöllin. Þetta vatn var rétt hjá sumarbústað hennar.

Allt í einu sá hún hest rétt hjá, sá var frekar stór og grár. En hann var fallegur og það sá stúlkan, hún labbaði rólega til hans og klappaði honum. Honum líkaði það þannig að stúlkan gaf honum gras, það líkaði honum enn betur. Stúlkan ætlaði þá að prófa að fara á bak honum en rak þá tána í stein og sagði, „andskoti var þetta vont“. Tók þá hesturinn mikið viðbragð og hentist út í vatnið. Stúlkan hljóp þá heim í bústaðinn sinn og sagði pabba sínum og mömmu. Töldu þau að þarna hafi verið nykur á ferð.

Sigurlaug Birna Guðmundsdóttir, 7. bekk

## Nemendaverðlaun Menntaráðs Reykjavíkur

Í dag verða nemendaverðlaun Menntaráðs afhent við hátíðlega athöfn í Seljaskóla. Háteigsskóli tilnefndi Elínu Mettu Jensen til verðlaunanna. Í umsögn skólans segir: „Hún er einstaklega hæfileikarík og er þá alveg sama hvort heldur er í bóklegu námi, íþróttum eða listum. Hún er sérstaklega bóngóð og vinnur hvert viðvik með bros á vör. Hún er þægileg í viðmóti, réttisýn og ljúf. Hún stuðlar að því að skapa góðan anda í þeim hópi sem hún er í.“ Við óskum henni til hamingju með verðlaunin.

## Draugasaga

Einu sinni í gömlu, hræðilegu og dimmu húsi var draugur sem átti heima í mygluðum kjallara. Það átti enginn heima í húsinu fyrir utan drauginn. Einn daginn ákvað Alda að bjóða Tinnu, Unni og Sunnu í gistivöld. Alda vildi skoða gamla húsið og Unnur og Sunna líka en Tinna vildi það ekki. Hún vildi samt ekki vera ein og þær fóru í húsið. Þegar þær komu inn heyrði draugurinn í þeim og faldi sig á ganginum. Alda kom fyrst á ganginn og draugurinn óskraði „búú!“ og Alda hljóp í burtu og Tinna og Sunna líka en Unnur festist inni af því að draugurinn náði að læsa hurðinni. Unnur var rosalega hrædd. En Sunna fattaði að Unnur var læst inni og fór inn um gluggann og náði í Unni. Þær klifruðu upp skorsteininn og hlupu út í garðinn og alla leið heim til Öldu. Þær fóru aldrei í húsið aftur.

Júlía Kristín Ólafsdóttir, 5. bekk

## Leiksyningar í 6. bekk

Síðustu vikurnar hafa 6. bekkingar sýnt leikritin Ávaxta-körfuna og Ronju ræningjadóttur, sem þeir hafa æft í vetur undir stjórn Rannveigar Þorkelsdóttur. Það er gaman að sjá hversu sviðsvanir þeir eru og ófeymnir við að tjá sig og lifa sig inn í hlutverkin sín. Til hamingju, 6. bekkingar!

## Tímavél

Einu sinni var strákur sem hét Kai. Pabbi hans var vísindamaður sem fann upp tímavél sem er 3 sentimetrar. Til þess að stækka hana þurfti hann að nota stækkunargeisla. Tímavélin stækkaði og varð 50 sentimetrar. Þá fór Kai í tímavélina og fór á risaeðlutímann. Þar sá hann múseðlu hjá ungum sínum. Svo fann hann kíkí og kíkí í hann og sá grameðlu. Þá varð hann hræddur og dreif sig heim með tímavélinni.

Atli Snæri Valgeirsson, 4. bekk

## Stjarnan „Þegiðu“

Einu sinni í gamla, gamla daga átti jörðin tvíburastjörnu sem hét „Þegiðu“. Einn daginn kom árekstur á milli „Þegiðu“ og jarðar og steinar flugu út um allt. Jörðin lifði það af og það skapaði jörð. „Þegiðu“ tapaði stríðinu.

Kolbeinn Þorsteinsson, 3. bekk

## Myndasíður Háteigsskóla

Í apríl hrundi myndasíða skólans og í ljós kom alvarlegur galli í forritinu sem hélt utan um síðurnar. Þess vegna hefur ekki verið hægt að skoða myndir á heimasíðu skólans. Þetta stendur til bóta, því með öðru forriti er byrjað er að setja myndirnar inn upp á nýtt. Það tekur þó tíma og verður varla búið fyrr en einhvern tíma í sumar. Biðjum við lesendur um biðlund þangað til.

## Stjörnuþeskafur

Fiskarnir,  
stórir og agnarsmáir.  
Hafmeyjan syndir dátt,  
stjörnur glampa á himni.  
Fiskar synda dátt  
og hafmeyjan prófar köku.

Gunnhildur Brynja Bergsdóttir, 4. bekk

## Hjólreiðar

Foreldrum og nemendum er bent á að skoða saman fræðslumyndband um hjólreiðar sem sýnt er á YouTube. Myndbandið er frá Umferðarstofu og sýnir vel hvað má og hvað skal varast þegar maður er á hjóli. Sérstaklega er bent á að ekki er mælt með að börn yngri en 12 ára hjóli á akbrautum nema í fylgd með fullorðnum. Krækja er á myndbandið frá heimasíðu skólans undir frétt um hjólreiðar.

## Hreggviður

Ég á bróður sem heitir Hreggviður. Hann er alveg að verða 3ja ára. Ég á afa sem heitir Hreggviður líka, en hann er nýorðinn 60 ára. Þeir eru bestu vinir þótt það sé 57 ára mismunur. Reglulega þarf litli Hreggviður að kíkja í skipið hjá eldri Hreggviði. Þá þarf sá yngri að leggja skipinu betur og ýta á flesta takkana og senda mikilvæg skilaboð til vélstjóranna í gegnum talstöðvarnar. Loks þarf að ganga úr skugga um að öll vasaljós séu í lagi. Eftir langa túra hjá þeim eldri kemur hann í heimsókn og þeir fara í löngu og bófa, æfa skilmingarnar og loks fara þeir í Playmo. Eldri Hreggviður hefur komið tvisvar sinnum í skólann og við í bekknum einu sinni til hans og sá yngri var heppinn að afi hafði tíma til að koma í heimsókn í leikskólann. Hann spilaði á gítar, söng og sagði þeim sögur af skipum.

Signý Ylfa Sigurðardóttir, 4. bekk

## Á vorin

Á vorin þá lifnar allt við, blómin, skordýrin og jafnvel fólkið. Krakkarnir fara að leika meira úti en inni, leggja frá sér lærdóminn og fara út í fótbolta eða snú-snú. Sólin er uppi dag og nótt og þreytist ekki fyrr en á haustin. Farfuglarnir koma frá heitu löndunum og lóan byrjar að syngja ásamt hinum fuglunum. Á vorin bruma trén og fólkið fer að vinna í gördunum. Fuglarnir gera sér hreiður, verpa eggjum og ungar klekjast út. Það er yndislegt þegar vorar.

Hulda Kristín Hauksdóttir, 4. bekk

### Steinaljóð úr 2. bekk

Steinninn minn er sléttur  
og hann er líka léttur  
hann er líka glansandi  
og stundum er hann dansandi  
og hann er líka grár og líka blár og hann er langur  
og núna er hann svangur.  
Askur Ari Davíðsson

Steinninn minn er glansandi  
léttur harður,  
fallegur og sléttur  
sem laðar og lokkar.  
Karólína Ósk Erlingsdóttir

Steinninn minn er léttur  
en hann er líka harður.  
Hann er rauður  
þetta er hraun  
ég fann hann í Heklu.  
Dáníel Birkir Snorrason

Fallegur þungur stór lítill ávalur  
ljótur oddhvass mjúkur.  
Þorbjörn Helgason

Fallegur og grár  
og sléttur og hreinn  
og glansandi ^.  
Anh Phuong Ðang

Steinninn minn er mjúkur  
og fallegur á litinn  
og hann er líka sléttur  
og götöttur og nettur.  
Jóna Lísá Helgadóttir

Ég fann minn fallega stein og hann er svartur og hvítur  
og ef ég týni honum ekki þá verð ég alltaf fögur.  
Það var minn fallegi draumur að eignast svona stein.  
Og loksins rættist draumurinn eins og ég beið eftir.  
Andrea Líf Árnadóttir

Steinninn minn er  
hvítur og léttur.  
Steinninn minn er  
líka lítill.  
Dominik Wysocki

Fallegur og grár  
og sléttur og hreinn  
og glansandi og mér  
finnst hann vera  
fallegur.  
Freyja Sól Kjartansd.

Steinninn minn  
er grár.  
Steinninn minn  
er götöttur.

Steinninn minn  
er þungur.  
Dagur Nino Sigurðsson

☯

Spakmæli mánaðarins:

Í húsi velgenginnar er engin lyfta.  
Maður verður að fara upp tröppurnar.

☯

### Vorkoma

Þegar vorið kemur hlýnar úti og það koma blóm og gróður. Krakkar fara að leika sér úti. Þau fara í snú-snú og fótbolta. Það verður bjartara. Dagarnir lengjast. Það er skemmtilegra á vorin.  
Jón Gunnar Ólafsson, 4. bekk

### Draugasaga

Það var einu sinni strákur sem heyrði hljóð undir rúminu sínu. Hann hélt það væri draugur. Hann var hræddur. Sem betur fer var þetta bara draumur og hann vaknaði við ljós sólarinnar.  
Orri Heiðarsson, 5. bekk

### Vorhátíð

Vorhátíð Háteigsskóla var haldin laugardaginn 14. maí. Hátíðin hófst á skrúðgöngu þar sem myndarleg lúðra-sveit var í fararbroddi ásamt lögreglu sem gætti göngu-manna. Veðrið var gott og aðsóknin mikil. Árgangarnir skiptu dagskráratriðum á milli sín undir stjórn foreldra-félags-stjórnar og tókst allt afskaplega vel. Einnig var fjöldi atriða í sal, bæði bíómyndir og skemmtiatriði og fór allt vel fram. Við hlökkum til næstu vorhátíðar!

### Vinátta

Einu sinni voru tveir strákar sem voru verstu óvinir. Þeir hétu Logi og Darri. Þeir voru saman í bekk og Darri var alltaf að stríða Loga og Logi alltaf að stríða Darra. Einn daginn þegar þeir voru í skólasundi þá ýtti Darri Loga á bakkann í sundinu og Logi rotaðist. Það var farið með hann upp á sjúkrahús og Darri skammaðist sín svo mikið að hann fór heim úr skólanum og vildi ekki gera neitt. Hann bara lá og svaf. Síðan áttaði hann sig á því að það væri ekki gott að stríða og síðan baðst Darri afsökunar og Logi samþykkti það og eftir það voru þeir bestu vinir.  
Birgir Ísar Guðbergsson, 4. bekk

### Í feluleik

Einu sinni voru þrír krakkar í feluleik úti vegna þess að vorið er komið og sól úti. „Í dag er gaman“, segir Aron við Önnu. Þau fela sig á góðum stöðum, eins og uppi í tré og inni í runna og bak við stóra húsið sitt. Það er gaman að leika sér.  
Ingvar Snær Jennason, 4. bekk

### Fleiri sögur og ljóð..

.. sem komust ekki fyrir eru á heimasíðu skólans.

	S K I P U L A G   S Í Ð U S T U   D A G A   S K Ó L A Á R S I N S:				
	Þriðjudagur 31. maí	Miðvikudagur 1. júní	Föstudagur 3. júní	Mánudagur 6. júní	Þriðjudagur 7. júní
1. bekkur	Húsdýragarðurinn 8:30 – 13:40	Safnadagur kl. 10:10 – 13:40	Útivist á Klambratúni kl. 10:10 – 13:20	Starfsdagur	Skólaslit kl. 13:00
2. bekkur	Grasa- og húsdýragarður 8:30 – 13:40	Bæjarferð kl. 10:10 – 13:40	Útivist á Klambratúni kl. 10:10 – 13:20	Starfsdagur	Skólaslit kl. 12:00
3. bekkur	Leikir og grill í Heiðmörk 8:30 – 13:40	Kjarvalsstaðir kl. 10:10 – 13:40	Útivist á Klambratúni kl. 10:10 – 13:20	Starfsdagur	Skólaslit kl. 11:00
4. bekkur	Bekkjarskemmtun 8:30 Viðvera 8:30 – 13:40	Gljúfasteinn og sund kl. 10:10 – 14:00	Útivist á Klambratúni kl. 10:10 – 13:20	Skólaslit kl. 16:00	
5. bekkur	Kjarvalsstaðir 8:30 – 14:20	Gufunesbær Grafarvogi kl. 8:30 – 13:00	Útivist á Klambratúni kl. 10:10 – 13:20	Starfsdagur	Skólaslit kl. 10:30
6. bekkur	Sund og sprell í Laugardal. 8:30 – 14:20	Öskjuhlíð kl. 10:10 – 13:40	Útivist á Klambratúni kl. 10:10 – 13:20	Starfsdagur	Skólaslit kl. 10:00
7. bekkur	Ýmis verkefni og útileikir 8:30 – 14:20	Hjólaferð í Nauthólsvík kl. 10:10 – 13:40	Útivist á Klambratúni kl. 10:10 – 13:20	Starfsdagur	Skólaslit kl. 9:30
8. bekkur	Nauthólsvík og grill kl. 9:30 – 12:30	Óvissuferð kl. 9:00 – 15:00	Útivist kl. 9:00 – 12:00	Starfsdagur	Skólaslit kl. 9:00
9. bekkur	Nauthólsvík og grill kl. 9:30 – 12:30	Bláa lónið kl. 8:30 – 12:30	Útivist kl. 9:00 – 12:00	Starfsdagur	Skólaslit kl. 8:30
10. bekkur	Nauthólsvík og grill kl. 9:30 – 12:30	Útskriftarferð kl. 15:00. Aðrir mæta kl. 9:00	Flestir í útskriftarferð. Aðrir mæta kl. 9:00	Starfsdagur	Útskrift kl. 17:00 Foreldrar sérstaklega boðnir velkomnir.

# Skóladagatal 2011 - 2012

AGÚST		SEPTEMBER		OKTÓBER		NÓVEMBER		DESEMBER		JANÚAR		FEBRÚAR		MARS		APRÍL		MAÍ		JÚNÍ	
1 M	Fridagur verslunarmanna	1 F		1 L		1 Þ		1 F	Fullveldisdagurinn	1 S	Nýársdagur	1 M		1 F		1 S	Pálmásunnudagur	1 Þ	Verkalýðsdagurinn	1 F	
2 Þ		2 F		2 S		2 M		2 F		2 M		2 F		2 F		2 M		2 M		2 L	
3 M		3 L		3 M	Starfsdagur	3 F		3 L		3 Þ		3 F		3 L		3 Þ		3 F		3 S	
4 F		4 S		4 Þ		4 F		4 S		4 M		4 L		4 S		4 M		4 F		4 M	Starfsdagur
5 F		5 M		5 M		5 L		5 M		5 F		5 S		5 M		5 F	Skírdagur	5 L		5 Þ	Útikennsla
6 L		6 Þ		6 F		6 S		6 Þ		6 F	Þrettándinn	6 M	Dagur leikskólans	6 Þ		6 F	Föstudagurinn langi	6 S		6 M	Útikennsla
7 S		7 M		7 F		7 M		7 M		7 L		7 Þ		7 M		7 L		7 M		7 F	Skólaslit
8 M		8 F	Dagur læsis	8 L		8 Þ		8 F		8 S		8 M		8 F		8 S	Páskadagur	8 Þ		8 F	STUT
9 Þ		9 F	Kynningarfundir	9 S		9 M		9 F	Próf 8.-10. b.	9 M		9 F		9 F		9 M	Annar í páskum	9 M		9 L	
10 M		10 L		10 M		10 F		10 L		10 Þ		10 F		10 L		10 Þ		10 F		10 S	
11 F		11 S		11 Þ	Foreldravíðtöl	11 F		11 S		11 M		11 L		11 S		11 M		11 F		11 M	STUT
12 F		12 M	Kynningarfundir Kynningarfundir / umhverfisdagur	12 M		12 L		12 M	Próf 8.-10. b.	12 F		12 S		12 M		12 F		12 L	Vorhátíð	12 Þ	STUT
13 L		13 Þ		13 F		13 S		13 Þ	Próf 8.-10. b.	13 F		13 M		13 Þ		13 F		13 S		13 M	
14 S		14 M	Kynningarfundir	14 F		14 M		14 M	Próf 8.-10. b.	14 L		14 Þ		14 M	Íþróttahátíð yngsta stigs	14 L		14 M		14 F	
15 M	STUT	15 F	Kynningarfundir	15 L		15 Þ		15 F	Próf 8.-10. b.	15 S		15 M		15 F	Íþróttahátíð miðstigs	15 S		15 Þ		15 F	
16 Þ	STUT	16 F	Kynningarfundir	16 S		16 M	Dagur íslenskrar tungu	16 F	Próf 8.-10. b.	16 M		16 F		16 F		16 M		16 M		16 L	
17 M	STUT	17 L		17 M		17 F		17 L		17 Þ		17 F		17 L		17 Þ		17 F	Uppstigningardagur	17 S	Lýðveldisdagurinn
18 F	STUT	18 S		18 Þ		18 F		18 S		18 M		18 L		18 S		18 M		18 F		18 M	
19 F	STUT	19 M	Samr.pr. 10.b.	19 M		19 L		19 M	Jólaskemmtun	19 F		19 S		19 M		19 F	Sumardagurinn fyrsti	19 L		19 Þ	
20 L		20 Þ	Samr.pr. 10.b.	20 F		20 S		20 Þ	Jólaskemmtun	20 F		20 M	Námskeiðsdagur	20 Þ		20 F		20 S		20 M	
21 S		21 M	Samr.pr. 10.b.	21 F	Vetrarleyfi	21 M		21 M		21 L		21 Þ	Starfsdagur	21 M		21 L		21 M		21 F	
22 M	Skólaetning	22 F	Samr.pr. 4.,7.b	22 L		22 Þ		22 F		22 S		22 M	Öskud./starfsdagur	22 F		22 S		22 Þ		22 F	
23 Þ		23 F	Samr.pr. 4.,7.b	23 S		23 M	Íþróttahátíð miðstigs Íþróttahátíð yngsta stigs	23 F	Þorláksmessa	23 M	Starfsdagur	23 F	Vetrarleyfi	23 F		23 M	Umhverfisdagur	23 M		23 L	
24 M		24 L		24 M	Vetrarleyfi	24 F		24 L	Aðfangadagur jóla	24 Þ		24 F	Vetrarleyfi	24 L		24 Þ		24 F	Próf 8.-10. b.	24 S	
25 F		25 S		25 Þ	Vetrarleyfi	25 F		25 S	Jóladagur	25 M		25 L		25 S		25 M	Þemadagur	25 F	Próf 8.-10. b.	25 M	
26 F		26 M		26 M		26 L		26 M	Annar í jólum	26 F		26 S		26 M		26 F	Þemadagur	26 L		26 Þ	
27 L		27 Þ		27 F		27 S		27 Þ		27 F	Afhending vitnisburðar	27 M		27 Þ		27 F	Þemadagur	27 S	Hvítasunnudagur	27 M	
28 S		28 M		28 F		28 M		28 M		28 L		28 Þ		28 M	Arshátíð / íþr.h. unglingastigs	28 L		28 M	Annar í hvítasunnu	28 F	
29 M		29 F		29 L		29 Þ		29 F		29 S		29 M		29 F		29 S		29 Þ	Próf 8.-10. b.	29 F	
30 Þ		30 F		30 S		30 M		30 F		30 M				30 F		30 M		30 M	Próf 8.-10. b.	30 L	
31 M				31 M				31 L	Gamlársdagur	31 Þ	Foreldravíðtöl			31 L				31 F	Próf 8.-10. b.		

Samkvæmt kjarasamningi sveitarfélaga við Kennarasambands Íslands skulu skóladagar nemenda vera 180 á tímabilinu 20. ágúst til 10. júní.  
Sérstakir starfsdagur kennara á starfstíma nemenda eru fimm og skulu ákveðnir af skólastjóra í samráði við kennara og með hliðsjón af kjarasamningum.  
Starfsdagur kennara utan starfstíma nemenda (STUT) eru 8.